



Die Haven Nuus

Aug 2014

Nuwe seisoen!

El-Shalem het 'n nuwe seisoen betree toe ons op Donderdag 9 Jan 2014 die nuwe perseel in Jim van der Merwe str 69, Clubview ingetrek het.

Wat 'n "Amazing" groot fasiliteit! Ons Abba Vader het dit vir ons uitgesoek en uitgehou. Meer as wat ons gedink het om te vra; 4 klaskamers, 3 badkamers, 'n kuns studio,ruim kombuis, kantoor, TV kamer, groot ontvangs en boonop 2 woonstelle ook.



Ons fasiliteerders het nou selfs 'n inslaap fasiliteit. Die fasiliteit kan nou uitbrei met 'n baba terapie sentrum. Die aanvraag is groot vir baba's met spesiale behoeftes, sodat terapie op 'n jong ouderdom kan begin.

Dankie Koning! Ons is gebless!!!

Woord vir 2014

Ex 14:14

Die HERE sal vir julle stry, en julle moet stil wees.

Jes 54:17

Elke wapen wat teen jou gesmee word, sal niks uitrig nie; en elke tong wat teen jou opstaan in die gereg, sal jy weerlê. Dit is die erfdeel van die knegte van die HERE en hulle geregtigheid wat uit My is, spreek die HERE.

Nuwe kinders en personeel

Ons sê "hallo" aan Pia, Tylar, Drémar en Thembi in die Shofar klas, Enrico, Lourens, Yusra en Tsiamo in die Lexee klas en Emma in die Harmony klas. Almal pas mooi aan en ons vertrou julle gaan gelukkig wees by ons.

Welkom ook aan Elsie en Merriam op die span!

Ons is jammer om tatta te sê vir;

- Loane & Charne Des 2013, hulle bly te ver op 'n plot en mamma begin 'n groep van haar huis af!
- Ansley- ook Des 2013, hulle woon ook te ver en hy is nou by Alma Skool
- Alexa - al middel 2013 ons verlaat
- Lerine - hulle het April hierdie jaar Jeffreys baai toegetrek
- Dineo - gaan eers weer Jan 2015 inval a.g.v. 'n vervoer krisis
- Juf Leané het einde Aug klaar gemaak

Mag julle altyd bewus wees dat Jesus by julle is!

El-Rapha Studio (Die Here genees)

Die hart van die studio is om Vader se genesing te laat gebeur d.m.v. kreatiwiteit. Brenda loop hier in gehoorsaamheid.

In die El-Rapha Studio, kry elke ingeskrewe persoon by El-Shalem, die geleentheid om hulle self in een of ander vorm van kuns uit te leef. Afval materiaal word sover moontlik gebruik hiervoor. Dit is belangrik dat elkeen hulle eie produk maak.

Hierdie produkte word weer verkoop.



Van die produkte: deurstoppe uit koffie blikke wat geskuur, geverf en met hessian versier is, 'n hart of 2 en 'n Skrif daar-op; Magneet nota boekies, penne houers en tafel plek matjies.

Vaardige manne!



Met Tekkies nie meer in Pretoria, spring die manne in en elkeen wat kan boor, kap en verf bring hulle kant om te help rakke opsit, hakkies vassit, kaste en tafels regmaak, sodat ons weer op ge-oliede wiele kan hardloop. 'n GROOT DANKIE vir elke een wat gehelp het met die trek, herstelwerkies en steeds op gereelde basis help met wat julle het. Mag julle uitermate geseën word.



Winter Wonder Ball



Op 1 Aug het El-Shalem ons eerste *Winter Wonder Ball* gehou!

Vir die dames was dit 'n groot geleentheid om weer op te tof in 'n aandrok met al die bykomende versierings! En die manne se kis pakke uit die kas te haal, sommiges wat selfs nog in hulle "matriekafskeid pakke" gepas het!

Luan de Beer, se veelsydigheid as seremoniemeester, het verseker die koue, wintersaand omskep in 'n heerlike, warm geselligheid!

DANKIE aan ELKE PERSOON

wat bygedra het tot die sukses van hierdie funksie.

Klasprogramme

Die senior groep is meer gefokus op hand- en kunsvaardighede, groente bewerking en praktiese aktiwiteite. Van die juniors vorder dinamies met die lees en skryf program en die kinders op die Els-4-Autism program vorder fluks.

Uitreikspanne

- Hightschool Sutherland wat vir elke kind 'n t-hemp gekoop het en kom help verf het daaraan.
- Hoërskool Zwaaskop se beraderspan wat kom uitreik het en ons kinders bederf het met "manicures"
- Momentum life wat cup-cakes gebring het en kom deel het in die pret om dit te versier.
- Die mondhigiënis en tandartse wat help om ons tande goed te versorg.
- Sutherland "Hightschool" wat gehelp het om ons groente tuin van die grond af te kry.

Baie dankie vir julle almal, ons weet dat El-Shalem ook 'n verskil in julle lewensuitkyk gemaak het.

Aktiwiteite

Gholf

Ons besoek steeds

Donderdae die

Zwartkop Gholfbaan.

Hier kry die kinders

geleentheid om hulle

bal-vaardighede en

groot-motoriese

vaardighede te oefen. Sommiges jaag

sokkerballe en ander kyk hoe ver hulle die

bal kan slaan. Ons moet die kleintjies keer

om die balle van die ander gholfers

bymekaar te maak en vir ons te bring!

Ongelukkig was ons besoeke beperk a.g.v.

van die oorstromings vroeër die jaar en

nou die winter.....

Aankope

Van die senior groep word blootgestel om

saam te gaan aankope doen en sommige

kinders word geneem na die haarsalon vir

'n haarsny.

"Veggie-projek" en perskes

Intussen het ons "Veggie-projek"

weggetrek. Dit behels die bewerking van

vars groente, wat die publiek tyd spaar.

Ons het ook gedroogde perskes uit die

Kaap gekry wat ons verkoop as

fondsinsameling. Dit verkoop soos

soetkoek! Dankie aan al die "bemarkers"

wat ywerig perskes verkoop en bestellings

inbring vir die groente, julle is "osim"



Koningskinders hou konsert

Op 22 Augustus het die Koningskinders van El-Shalem hulle eerste konsert gehou.

Elke een het hulle deel gedoen en baie weke hard geoefen. Ons weet dat ons elke een 'n kind van Koning Jesus is, as ons Hom in ons lewe in nooi. Hierdie boodskap het ons uitgedra op die konsert.

Die vreugde en blydschap vanaf die verhoog het oorgespoel na die gehoor.

Hierdie konsert is nie moontlik sonder die harde werk van 'n OSIM span nie. Julle is A-M-A-Z-I-N-G!



DANKIE

Ons harte loop oor van dankbaarheid teenoor elke persoon wat weer-eens hulle harte en hande oopmaak om El-Shalem te seën, so baie baie dankie!!!!

- Ouma se spens
- Rina Bradley
- Date-lec
- Spar
- Helpende Hand
- Die Bleshoenders (Centurion Golf Estate se "ouer" spelers)
- Fournos
- En al die maandelikse finansiële borge.

Kontak Besonderhede

Straat adres: Jim van der Merwe str 69,
Clubview, Centurion, 0157, RSA

E-pos adres: elshalem.haven@gmail.com

Tel: (012) 654 7886

Fax: +27 (86) 601 2473

Cell Sandra: +27 (82) 923 3363

Cell Filicia: +27 (73) 331 2643

Bank besonderhede

Rek Naam: El-Shalem Haven (Pty) Ltd

Bank: FNB

Tak: Eldoraigue

Tak Kode: 250655

Rek no: 62389178958

Tipe: Besigheids Tjek rek